

PENCAPAIAN SHBKG 2020

- Menubuhkan tapak semaian yang mampu menampung 25,000 - 30,000 anak pokok bakau.
- Menerima penghargaan daripada Kerajaan Negeri Perak dalam Program Restorasi Hutan Paya Laut di Negeri Perak yang disampaikan oleh DYMM Sultan Perak.
- Telah berjaya menanam lebih daripada 140,000 pokok bakau di kawasan terosot seluas 60 hektar di kawasan hutan paya laut terosot Teluk Rubiah dari tahun 2006 sehingga 2020.
- Penglibatan hampir 10,000 peserta dalam program-program pemuliharaan hutan paya laut di Kuala Gula, Perak sejak tahun 2006.
- Menjadi ahli dalam Mesyuarat Jawatankuasa Teknikal Pelaksanaan dan Penanaman Pokok Bakau dan Spesies-spesies yang Sesuai di Pesisiran Pantai Negara Peringkat Kebangsaan.
- Sebagai pemudahcara dalam membantu meningkatkan kesedaran mengenai kepentingan pemuliharaan hutan paya laut dalam kalangan masyarakat tempatan, badan berkepentingan, rakan korporat dan generasi muda.
- Aktif menyertai pelbagai pameran yang berkaitan dengan pendidikan hutan paya laut.



AKTIVITI EKOPELANCONGAN DAN INDUSTRI DESA SHBKG 2020

SHBKG 2020 menyediakan perkhidmatan ekopelancongan seperti penyelusuran bakau, kembara kampung, aktiviti melihat burung, memancing rekreasi, program penanaman pokok bakau, aktiviti penyemaian biji benih bakau dan lain-lain.

SHBKG 2020 merupakan perintis dalam pembangunan dan penghasilan produk berasaskan bakau seperti produk makanan dan minuman (teh jeruju, jem berembang, sos berembang, kordial berembang, bubur berus, keropok piai) dan produk kraftangan daripada sumber hasil laut (sisik ikan, cengerang, siput) yang dipromosikan dan dijual sebagai sumber pendapatan sampingan. Mereka juga terlatih sebagai tenaga pengajar dalam memberikan khidmat latihan dan demonstrasi untuk penghasilan produk-produk tersebut.

SHBKG 2020 mengalu-alukan tempahan dan permintaan khidmat ekopelancongan, penanaman pokok bakau dan pembelian produk-produk berasaskan hutan paya laut.



Dicetak pada tahun 2020.

HUBUNGI KAMI:


Pertubuhan Sahabat Hutan Bakau Kuala Gula 2020 (SHBKG 2020)
No. 20, PSKT Kuala Gula, 34350, Kuala Kurau, Perak Darul Ridzuan, MALAYSIA.
HP: +6 016 740 5413; 011 2151 5498 (Puan Puji)
Laman Web: www.friendsofmangrove.org.my
Facebook: [shb.kualagula](https://www.facebook.com/shb.kualagula)

Global Environment Centre (GEC)

Tingkat 2, Wisma Hing, No. 78, Jalan SS2/72,
47300 Petaling Jaya, Selangor Darul Ehsan, MALAYSIA.
Tel: +6 03 7957 2007; Faks: +6 03 7957 7003
Laman Web: www.gec.org.my
Emel: outreach@gec.org.my; nagarajan@gec.org.my

GEC Field Office: Manjung

Lot 6279, Lorong Beringin 6/4, Kampung Tersusun Batu 7 Lekir,
32020 Sitiawan, Perak Darul Ridzuan
Emel: muhyiddin@gec.org.my; nazeri@gec.org.my; muhdfaizal@gec.org.my



**PERTUBUHAN SAHABAT
HUTAN BAKAU KUALA GULA
2020 (SHBKG 2020)**
PPM-009-08-16032020

PROGRAM PEMULIHARAAN HUTAN PAYA LAUT DAN KELANGSUNGAN HIDUP LESTARI DENGAN PENGLIBATAN PERTUBUHAN SAHABAT HUTAN BAKAU KUALA GULA 2020 (SHBKG 2020)

DILAKSANAKAN OLEH:



DENGAN KERJASAMA:



DENGAN SOKONGAN:



MENGENAI SHBKG 2020

Pertubuhan Sahabat Hutan Bakau Kuala Gula 2020 (SHBKG 2020) (PPM-009-08-16032020) terdiri daripada komuniti tempatan Kuala Gula. Ia ditubuhkan untuk penglibatan komuniti tempatan dalam program pemuliharaan hutan paya laut. Penubuhan SHBKG 2020 pada awalnya dirangsang oleh aktiviti kesedaran dan keprihatinan masyarakat mengenai ancaman berterusan terhadap ekosistem hutan paya laut. Ancaman ini memberi kesan buruk terhadap sumber asli hutan paya laut yang menjadi sumber kebergantungan mereka.

SHBKG 2020 berkongsi tanggungjawab bersama Jabatan Perhutanan Negeri Perak untuk memulihara, melindungi dan menguruskan hutan paya laut bagi pihak Kerajaan Negeri Perak. SHBKG 2020 merupakan mata dan telinga hutan paya laut Kuala Gula dan mereka melibatkan diri dalam aktiviti pemuliharaan hutan paya laut melalui penyebaran dan pertukaran maklumat isu hutan paya laut di peringkat kebangsaan.

OBJEKTIF SHBKG 2020

- Menyokong penglibatan komuniti tempatan di dalam program pemuliharaan hutan paya laut Kuala Gula dan
- Menjalinkan kerjasama pintar antara agensi kerajaan, sektor swasta, NGO dan komuniti tempatan dalam pengurusan hutan paya laut.

AKTIVITI-AKTIVITI SHBKG 2020

- Menganjurkan program penanaman bakau.
- Mengurus dan menyelenggara tapak semaian bakau komuniti.
- Menjalankan pemantauan dan rondaan kawasan hutan paya laut di Teluk Rubiah Kuala Gula dan kawasan sekitarnya.
- Membuat dan mengeluarkan produk kraftangan berasaskan sumber hutan paya laut dan industri desa.
- Memperkasa komuniti tempatan, terutama ahli wanita (suri rumah)
- Menyediakan khidmat ekopelancongan berasaskan hutan paya laut dan komuniti.
- Mengelola, mengurus dan menyertai program pendidikan dan kesedaran alam sekitar dengan kerjasama agensi kerajaan dan NGO.

HUTAN PAYA LAUT KUALA GULA

Kuala Gula merupakan kawasan pesisiran hutan paya laut terletak di daerah Kerian, Perak dan mengambil masa lebih kurang 45 minit perjalanan dengan memandu daripada Taiping. Kuala Gula mempunyai habitat kepelbagaian biologi yang tinggi termasuk Sungai Gula dan anak-anak sungai, kepulauan dan pesisiran hutan paya laut. Kawasan ini penting bagi aktiviti perikanan kerana ia menyokong sumber pendapatan komuniti tempatan. Kawasan hutan paya laut Kuala Gula yang berlumpur dan berpayau merupakan tempat berehat dan makanan yang sempurna untuk pelbagai spesies burung hijrah dan tempatan. Kuala Gula dikenal pasti sebagai salah satu daripada 10 kawasan pelancongan eko di Negeri Perak. Kuala Gula telah diiktiraf sebagai Tempat Perlindungan Burung dan Kawasan Burung Penting (IBA). Kod IBA adalah MY05, Pantai Matang.



PETA GUNA TANAH KAWASAN TELUK RUBIAH KUALA GULA, KERIAN PERAK (2020)

